

LAMPIRAN PEMBERITAHUAN PRODUK

Pelanggan yang dihormati,

Lampiran Pemberitahuan Produk ini memberikan maklumat penting mengenai insurans Peralatan Elektronik anda.

Liberty General Insurance Berhad
197801007153 (44191-P)

Pelanggan lain telah membaca Lampiran Pemberitahuan Produk ini dan mendapati ia bermanfaat; **anda juga patut membacanya.**

Tarikh: 12/2025

1 Apakah Insurans Peralatan Elektronik?

Insurans Peralatan Elektronik melindungi perkakasan komputer, peralatan elektronik, peralatan penyimpanan dan media penyimpanan data termasuk pita dan cakera untuk kegunaan komersial dan pejabat, dengan perlindungan terhadap kerugian atau kerosakan yang disebabkan oleh sebarang kehilangan atau kerosakan yang tidak dijangka atau tidak disengajakan, kecuali bagi punca yang dinyatakan sebagai pengecualian, selagi harta yang diinsuranskan berada dalam had wilayah yang dinyatakan dalam polisi.

2 Ketahui Perlindungan Anda

Sebagai ilustrasi, dengan pembayaran **RM625.00** [setahun] dan Jumlah Diinsuranskan **RM250,000**, anda akan menerima **perlindungan** insurans berikut:

Polisi ini melindungi :	Polisi ini tidak melindungi :
- Bahagian I - Perlindungan Kerosakan Material - Bahagian II - Perlindungan Kehilangan Data dan Data Media - Bahagian III - Peningkatan Kos Kerja	- Peperangan, Perang Saudara dan sebarang tindakan keganasan - Tindakan atau kealpaan atau kecuai ketara Pihak yang Diinsuranskan atau wakilnya - Kerugian atau kemusnahan sama ada secara langsung atau tidak langsung akibat daripada risiko tenaga nuklear atau pencemaran radioaktif - Kerugian atau kerosakan akibat penggunaan dan kelusuhan - Kerugian atau kerosakan yang disebabkan oleh pembekal, kontraktor atau pembaikpulihan (Untuk Bahagian I sahaja) - Kerugian atau kerosakan yang disebabkan oleh sebarang kerugian turutan

Dengan pembayaran premium **tambahan**, anda boleh memperluaskan perlindungan untuk merangkumi:

- Pembuangan Runtuhan
- Pelepasan Gas

Nota: Senarai ini **tidak lengkap**. Sila rujuk kontrak polisi untuk melihat keseluruhan maklumat polisi ini.

Tempoh perlindungan adalah 1 tahun. Anda perlu memperbaharui polisi anda setiap tahun.

Liberty General Insurance Berhad adalah ahli PIDM. Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari www.pidm.gov.my).

Liberty General Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Jika anda mempunyai sebarang pertanyaan atau memerlukan bantuan berkaitan perlindungan insurans anda, anda boleh:



Hubungi kami di
1 800 88 3833



Layari kami di
www.kurnia.com



Emel kami di
customer@kurnia.com



Imbas kod
QR di atas

3 Ketahui Kewajipan Anda

Untuk insurans ini berdasarkan ilustrasi, anda mesti membayar premium berikut:	
Perlindungan Asas	<i>RM625.00 (setahun)</i>
(+) Perlindungan Tambahan	<i>RM100.00 (setahun)</i> Perlindungan Tambahan: Pembuangan Runtuhan; Pelepasan Gas
Premium Kasar	<i>RM725.00 (setahun)</i>
Anda juga perlu membayar yuran dan caj berikut:	
(+) 8% Cukai Perkhidmatan	<i>RM58.00</i>
(+) Duti Setem	<i>RM10.00</i>
Jumlah Premium Perlu Dibayar	<i>RM793.00 (setahun)</i>
Di mana ini termasuk:	
Komisen	15% daripada Premium Kasar atau <i>RM108.75</i>
Nota:	
- Ini adalah ilustrasi. Jumlah premium yang perlu anda bayar mungkin berbeza bergantung pada perlindungan polisi anda, tahap pendedahan risiko, serta kriteria pengunderaitan Liberty General Insurance Berhad. - Kadar Cukai Perkhidmatan adalah tertakluk kepada kadar semasa yang dikenakan oleh Kerajaan Malaysia.	

4 Terma-Terma Utama Lain

- Kewajipan pendedahan: Anda mesti mendedahkan semua fakta material yang diketahui atau patut diketahui, yang akan menjejaskan pertimbangan pengunderaitan kami terhadap cadangan anda, seperti insurans dan sejarah kerugian anda. Anda mesti mendedahkan semua fakta yang relevan dengan jujur dan lengkap dalam borang permohonan insurans anda. - Perubahan Risiko: Anda mesti memaklumkan kepada kami tentang sebarang perubahan material sepanjang tempoh polisi. Ini bagi memastikan pindaan yang diperlukan boleh dibuat dan didokumenkan dalam polisi insurans anda. - Kepentingan insurans: Anda mesti mempunyai kepentingan yang boleh diinsuranskan dalam harta benda yang diinsuranskan. Ini bermaksud anda akan mengalami kerugian kewangan jika harta benda tersebut hilang atau rosak. - Jumlah Diinsuranskan: Anda mesti memastikan harta benda anda diinsuranskan pada jumlah yang sesuai. - Bahagian I: Jumlah diinsuranskan hendaklah dipantau dan disemak secara berkala untuk memastikan ia mewakili kos penuh membina semula atau nilai penuh harta benda anda bagi mengelakkan insurans tidak mencukupi. Jika tidak, anda perlu menanggung bahagian kerugian secara berkadar sekiranya harta benda yang diinsuranskan mempunyai nilai yang lebih tinggi daripada jumlah diinsuranskan pada masa kerugian. - Bahagian II: Jumlah yang diinsuranskan hendaklah dikira mengikut cara bagi memastikan bahawa ia melindungi kos-kos yang diperlukan untuk penggantian atau pembentukan semula data-data dan program-program, termasuk media data. - Bahagian III: Jumlah yang diinsuranskan hendaklah dikira agar ia adalah setara dengan jumlah yang diperlukan untuk mengimbangi kos tambahan yang ditanggung bagi langkah-langkah interim yang diperlukan dalam satu tempoh dua belas bulan - Lebihan/Boleh Dipotong: Jumlah kerugian yang perlu anda tanggung sebelum kami menanggung kerugian anda. - Premium: Jumlah premium perlu dibayar dan diterima oleh Liberty General Insurance Berhad dalam tempoh 60 hari dari tarikh bermulanya polisi ini. Kegagalan membayar premium tersebut pada tempoh masa yang ditetapkan akan menyebabkan pembatalan kontrak serta-merta dan kami berhak ke atas jumlah pro-rata premium sepanjang tempoh anda di dalam risiko. - Tuntutan: Anda mesti memaklumkan kami segera tentang sebarang tuntutan dan mengambil langkah yang munasabah untuk meminimumkan kerugian atau kerosakan.	
Nota: Senarai ini tidak lengkap . Anda digalakkan untuk merujuk polisi untuk senarai penuh terma dan syarat.	

? Bolehkah saya batalkan polisi saya?

- Ya. Anda boleh membatalkan polisi anda pada bila-bila masa dengan notis bertulis kepada kami. Sewaktu pembatalan anda layak untuk mendapat sebahagian bayaran balik premium.
- Tiada bayaran balik premium jika premium minimum dibayar atau tuntutan telah dibuat ke atas polisi.
- Untuk maklumat sepenuhnya mengenai bayaran balik pembatalan, sila rujuk kepada kontrak polisi.